

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst («Službene novine Zeničko-dobojskog kantona», broj 7/10), na prijedlog Ministarstva unutrašnjih poslova, Vlada Zeničko-dobojskog kantona, na 73. sjednici, održanoj 03.08.2012. godine, d o n o s i

ZAKLJUČAK

I

Prihvata se Informacija o stanju bezbjednosti na području Zeničko-dobojskog kantona za prvo polugodište 2012. godine.

II

Zaključak stupa na snagu danom donošenja.

Broj: 02-_____ /12.

Datum, 03.08.2012. godine

Z e n i c a

PREMIJER

mr.sci.Fikret Plevljak dipl.ing.

DOSTAVLJENO:

1x Ministarstvo unutrašnjih poslova,

1x a/a.

Bosna i Hercegovina
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO UNUTRAŠNJIH POSLOVA
MINISTARSTVO UNUTARNJIH POSLOVA
Z E N I C A

I N F O R M A C I J A
o stanju bezbjednosti na području Zeničko - dobojskog
kantona
za prvo polugodište 2012. godine

Zenica, juli 2012. godine

UVODNI DIO

Procjena stanja bezbjednosi tokom prvog polugodišta 2012. godine, izrađena je na osnovu statističkih pokazatelja dostavljenih od strane organizacionih jedinica Ministarstva na području Kantona.

Posebna pažnja je bila posvećena zakonitom radu, zakonitoj primjeni policijskih ovlaštenja, te profesionalnom i korektnom odnosu policije prema građanima, uz maksimalno poštivanje međunarodnih propisa i standarda o ljudskim pravima.

U planove rada Ministarstva uvršteni su projekti među kojima su i brojne aktivnosti iz Akcionog plana u okviru kojeg su predviđeni rad prema Strategiji borbe protiv organizovanog kriminala i korupcije Bosne i Hercegovine, Strategiji borbe protiv terorizma BiH, Akcioni plan za borbu protiv zloupotrebe opojnih droga BiH kao i rad prema dokumentu Polazne osnove sigurnosti drumskog saobraćaja FBiH i rad na prevenciji maloljetničke delinkvencije, nasilja u porodici i nasilja nad djecom.

Cjelokupna aktivnost Ministarstva se odvijala u saradnji sa drugim nadležnim organima i institucijama i u svom operativnom radu Ministarstvo je u potpunosti bilo usmjereno ka eliminisanju svih pojava koje narušavaju ili bi mogle narušiti bezbjednosnu situaciju.

U realizaciji zadataka Ministarstvo je ostvarilo dobru saradnju sa drugim agencijama za sprovođenje zakona (FMUP, SIPA, MUP RS itd), zatim sa Tužilaštvom BiH, Federalnim i Kantonalnim tužilaštvom, Kantonalnom upravom za inspekcijske poslove, Kazneno popravni zavod Zenica, Ministarstvom pravde, Ministarstvom zdravstva, te drugim ministarstvima i kantonalnim upravama.

U saradnji sa Kantonalnom upravom za inspekcijske poslove poduzimane su mjere i aktivnosti na kontroli prometa roba, aktivnosti na kontroli bespravne sječe šume, kontroli rada ugostiteljskih objekata, a pružane su i asistencije kantonalnim inspektorima.

Ministarstvo je svoj rad baziralo i na redovnom upoznavanju javnosti o aktuelnim pokazateljima stanja bezbjednosti, a s ciljem da se učini transparentnijim sistem neposredne veze policije i zajednice, te animiraju i druge strukture i organizacije na zajedničko djelovanje.

U tom smislu kontinuirano je uređivana WEB stranica ovog Ministarstva te su poduzimane mjere na redovnom izvještavanju javnosti o dnevnim i vanrednim događajima na području Kantona.

U izvještajnom periodu dato je 76 saopštenja za javnost, izrađeno 530 dnevnih izvještaja, 715 posebnih izvještaja i izjava za medije, svakodnevno su vršene korespodencije preko e-maila, vršena redovna komunikacija sa medijima, građanima, udruženjima i drugim subjektima, te su istim, u skladu sa dostavljenim zahtjevima, ustupani traženi podaci.

Dnevne i sedmične novine su u navedenom periodu objavile ukupno 410 tekstova koji su se odnosili na ukupno 258 događaja, koji su se desili na području Kantona, kao i na druge aktivnosti MUP-a

čime su sve bitne informacije približene građanima i svim zainteresovanim institucijama.

Ministarsvo je održavalo redovnu korespondenciju sa Policijskom akademijom Sarajevo u vezi sa obukom policijskih službenika. U vezi s tim određeni su policijski službenici ovog Ministarstva koji će pohađati kurseve u Policijskoj akademiji Sarajevo na teme: "Zloupotreba droga", "Upotreba tahografa", "Trgovina ljudima" i "Fizičko regulisanje saobraćaja".

U izvještajnom periodu policijski službenici Ministarstva su obavljali obezbjeđenja brojnih javnih skupova i različitih manifestacija sportskog, kulturno-zabavnog, vjerskog i drugog karaktera tokom kojih nije bilo evidentiranih slučajeva narušavanja javnog reda i mira u većem obimu (Ćimburijada, vjerski praznici Uskrs i Vaskrs, Sajam privrede Tešanj, Visočko ljeto, koncerti, Kup Međunarodne ženske košarkaške lige, košarkaške i rukometne utakmice lige prvaka 6, odnosno premijer lige, Atletski miting u Zenici, prvomajski praznici, obezbjeđenje ragbi reprezentacije Izraela tokom boravka u Zenici itd).

Pored navedenih obezbjeđenja na području Kantona obavljana su i obezbjeđenja od strane službenika Ministarstva van područja Kantona (obezbjeđenja Javnih skupova u Sarajevu i u naseljenom mjestu Buk, obezbjeđenje vjerskih manifestacija "Dani Ajvatovice" na području općine Donji Vakuf i "Sveti Ivo" na području općine Jajce itd), te je takođe u 5 slučajeva vršena pratnja i obezbjeđenje eskorta delegacija VIP ličnosti (Predsjednik R Hrvatske, Predsjednika R Srbije, Premijera R Hrvatske) kroz područje Zeničko-dobojskog kantona

Vršene su aktivnosti na organizaciji i obilježavanju Dana policije, 15. maja 2012. godine, u okviru čega su organizovana sportska takmičenja, izvršena organizacija centralne manifestacije u Zavidovićima, te izvršena dodjela nagrada i priznanja organizacionim jedinicama, kao i pojedincima, koji su pokazali značajnije rezultate u radu.

U navedenom periodu izvršen je interni premještaj 38 policijskih službenika u okviru istog čina, a radni odnos je prestao za 13 policijskih službenika i 2 namještenika od kojih je za jednog namještenika radni odnos prestao zbog odlaska u starosnu penziju, a za drugog namještenika zbog prelaska u drugu agenciju (Detašman FUP-Travnik).

Početak godine završen je sistematski pregled svih policijskih službenika Ministarstva.

Za 5 policijskih službenika Ministarstva je zbog utvrđenog II stepena invalidnosti od strane IPK, prestao status policijskog službenika i isti su preraspoređeni na radna mjesta sa statusom namještenika.

S obzirom na istek probnog rada u trajanju od 12 mjeseci za 51 policijskog službenika u činu policajac u mjesecu martu i aprilu, izvršeno je ocjenjivanje probnog rada.

Krajem izvještajnog perioda pripremljen je tekst Zakona o izmjena i dopuna Zakona o nabavljanju, držanju i nošenju oružja i municije te upućen na davanje mišljenja nadležnim tijelima Kantona radi upućivanja u dalju proceduru donošenja;

Ministarstvo je u izvještajnom periodu odgovaralo na različita poslanička pitanja i inicijative poslanika Skupštine Zeničko-

dobojskog kantona vezano za sigurnosnu i drugu problematiku iz nadležnosti Ministarstva.

U ovom periodu Ministarstvo je preduzimalo i aktivnosti u vezi sa nadzorom nad radom Agencija za zaštitu ljudi i imovine i unutrašnjih službi zaštite, te aktivnosti u vezi sa izdavanjem odobrenja za rad Agencija za zaštitu ljudi i imovine.

U okviru Projekta "Biometrijski pasoši", tokom izvještajnog perioda su zaprimljena i distribuirana 15404 pasoša, od čega 821 po hitnim zahtjevima.

U oblasti bezbjednosti saobraćaja, vršen je nadzor rada stacionarnih radara od kojih je sa nekim od radara bilo problema u funkcionisanju jer su izvjesno vrijeme bili u kvaru te nije mogao biti adekvatno obavljan pregled snimljenog materijala.

Na magistralnom putu M-17 uz korištenje sistema "Provida" vršena je kontrola brzine kretanja i preticanja na mjestima na kojima je to zakonom zabranjeno.

Na području Kantona radilo se na sprovođenju obaveza iz Akcionog plana za provedbu mjera iz dokumenta "Polazne osnove strategije sigurnosti drumskog saobraćaja Federacije Bosne i Hercegovine 2008-2013 godine".

U izvještajnom periodu zavedeno je 20 akcija pojačane kontrole učesnika u saobraćaju u ukupnom trajanju od 144 dana i to: 6 akcija "Prisustvo alkohola u organizmu", 3 akcije "Kontrola vozila sa inostranim registarskim oznakama", 2 akcije "Tehnička ispravnost motornih vozila", 1 akcija "Neregistrovana vozila", 1 akcija "Prisutnost i korištenje odgovarajuće zimske opreme", 1 akcija "Kontrola vozila za prijevoz učenika", 1 akcija "Registracija vozila i zloupotreba registarskih tablica", 2 akcije "Kontrola korištenja odgovarajuće zaštitne kacige", 1 akcija "Kontrola zloupotrebe registarskih tablica i kontrola važnosti registracije vozila", 1 akcija "Zatamnjena stakla na vozilima" i akcija "Mirujućí saobraćaj", koja se sprovodi kontinuirano.

Takođe je krajem juna (18-23.06.2012) aktivno učestvovalo u planiranim aktivnostima BiHAMK-a na realizaciji akcije pod nazivom "Putujte sigurno".

S obzirom da su u toku radovi na magistralnom putu M-5 i M-17 (izgradnja autoputa A-1), i to rekonstrukcija mostova i rehabilitacija kolovoznih traka na više dionica magistralnog putu M-17, te izmjene režima saobraćaja zbog izvođenja pomenutih radova, redovno su vršeni obilasci pomenutih dionica puta i po potrebi angažovani policijski službenici na regulaciji saobraćaja da ne bi dolazilo do zastoja i drugih problema u saobraćaju, pri čemu je održavan stalni kontakt sa izvođačima radova i praćen intenzitet izvođenja radova.

U oblasti kriminaliteta Ministarstvo je u ovom periodu preduzimalo mjere i aktivnosti u skladu sa akcionim planom kojim je obuhvaćena borba protiv svih vidova kriminala pri čemu su posebno značajne bile aktivnosti na razbijanju organizovanih kriminalnih grupa koje se bave krivičnim djelima iz oblasti zloupotrebe opjnih droga, kao i aktivnosti u borbi protiv privrednog kriminala i korupcije.

S tim u vezi u izvještajnom periodu službenici Ministarstva su preduzimali brojne akcije u pravcu sprečavanja zloupotrebe

opojnih droga pri čemu se posebno izdvajaju 3 policijske akcije u kojima je na lokalitetima općina Zenica, Kakanj i Zavidovići izvršeno ukupno 20 pretresa stambenih objekata tokom kojih su pronađene veće količine opojnih droga (oko 1800 gr. opojne droge kanabisa i oko 11 kg i 200 grama opojne droge speed) i određeni broj mobilnih telefona, te veća količina municije i novčanica pribavljenih kriminalnim radnjama.

U navedenim akcijama 17 lica je lišeno slobode i protiv njih su podneseni izvještaji Kantonalnom tužilaštvu Zenica zbog postojanja osnova sumnje da su počinili krivično djelo iz člana 238.st.2.KZFBiH"Neovlaštena proizvodnja i stavljanje u promet opojne droge".

Takođe, službenici Ministarstva su borbu protiv zloupotrebe opojnih droga preduzimali i u saradnji sa policijskim službenicima Državne agencije za istrage i zaštitu, Regionalni ured Sarajevo, sa kojima su na području našeg, Sarajevskog i SBK-a izveli dvije policijske akcije u kojima je izvršeno 10 pretresa stambenih objekata tokom kojih je pronađeno 17.5 kg opojne droge speed, veće količina oružja, municije, mobitela i novca, te su pri tome razbijene dvije organizovane grupe i lišeno slobode 12 lica protiv kojih je od strane Tužilaštva BiH podignuta optužnica a od strane Suda BiH određena mjera pritvora.

Pored navedenih akcija, službenici ovog Ministarstva su u izvještajnom periodu na jednom lokalitetu u Zenici na području Heca kod jednog lica (kod kojeg je u prethodnom periodu od strane policijskih službenika Ministarstva pronađena laboratorija za proizvodnju opojne droge skank) pronašli i izuzeli sa sedam odvojenih lokacija 454 stabljike koje svojim izgledom asociraju na konoplju cannabis sativa, čime je ovom aktivnošću službenika Ministarstva spriječena finalizacija postupka sazrijevanja navedenih stabljika koje bi u periodu zrelosti vlasniku donijele prinos od 100 gr Canabisa po jednoj stabljici, odnosno ukupnu količinu od 30-40 kg canabisa vrijednosti na crnom tržištu oko 150.000 KM.

U okviru borbe protiv privrednog kriminaliteta službenici MUP-a ZE-DO kantona u sjedištu su nadležnom Kantonalnom tužilaštvu ZE-DO kantona podnijeli 13 izvještaja o izvršenom krivičnom djelu i otkrivanju izvršilaca protiv sedamnaest (17) fizičkih i dva (2) pravna lica za 21 krivičnom djelu po kojima je pričinjena materijalna šteta u iznosu od 3.395.499,60 KM. Struktura prijavljenih krivičnih djela iz oblasti privrednog kriminaliteta izgleda sljedeća:

- Zloupotreba položaja ili ovlaštenja iz člana 383. KZ F BiH - 6 krivična djela,
- Krivotvorenje isprave iz člana 373. KZ FBiH- 3 krivična djela
- Prijevara u privrednom poslovanju iz člana 251. KZ F BiH - 1 krivično djelo,
- Prijevara iz člana 294. KZ F BiH 3 krivična djela,
- Posluga u službi iz člana 386.- 1 krivično djelo,
- Neizvršenje sudske odluke iz člana 351. KZ FBiH - 1 krivično djelo,

- Nesavjestan rad u službi iz člana 387. KZ FBiH - 2 krivična djela,
- Pomaganje iz člana 31. KZ FBiH - 2 krivična djela,
- Pronevjera u službi iz člana 384. KZ FBiH - 1 krivično djelo, i
- Utaja iz člana 290. KZ FBiH - 1 krivično djelo,

U izvještajnom periodu vršene su i provjere po zahtjevima nadležnih tužilaštava i agencija za provođenje zakona, te po zaprimljenim krimolovcima u brojnim pravnim licima (Lovačko društvo "Kiseljak" Tešanj, Zavod zdravstvenog osiguranja ZE DO kantona, "Maypet" d.o.o. Zenica, "VITEX" d.o.o. Visoko, JKP "Gradska groblja" Visoko, "ALBA" d.o.o. Zenica , "LEGEN GAS" d.o.o. , "Doboj - putevi" d.o.o. Doboj jug, "TRIMONT" d.o.o. Zavidovići, J.P. "ELEKTROPRIVREDA BIH" d.d. Sarajevo, "Intermerkur" d.o.o. Zavidovići, "ENGRA" d.o.o. Zenica. "Das Komerc" d.o.o. Zenica, "ZENICA BUS" d.o.o. Zenica , "Rudnik Mrkog uglja" Zenica i dr).

Po zahtjevu Direkcije za koordinaciju policijskih tijela BiH izvršene su sigurnosne provjere vezano za održavanje Komemorativnog skupa "Potočari", općina Srebrenica, te bezbjednosne provjere za 23 lica stranih i domaćih lica.

Takođe je izvršeno ukupno 18 istražnih radnji ekshumacija, reekshumacija, identifikacija i uzimanja rezervnih uzoraka za DNK analizu.

U ovom periodu izvršeno je i 349 KDZ pregleda, 23 KDZ intervencije, 5 KDZ uviđaja, 6 KDZ vještačenja i 1 KDZ deaktiviranje. Evidentirano je 6 anonimnih dojava o postavljenim eksplozivnim napravama, za koje je, nakon KDZ pregleda, utvrđeno da su bile lažne.

KDZ pregledi su se odnosili na: pregled sale za redovne sjednice Skupštine ZE-DO kantona, pregled U.O. "Žar" i Ekonomske škole u Zenici povodom anonimne dojava o postavljenj eksplozivnoj napravi, pregled trase puta M17 povodom prolaska visokih delegacija (članovi predsjedništva BiH i Hrvatske), pregled hotela "Zenica", "Internacional" i "Dubrovnik" povodom boravka stranih državnih delegacija i sportskih ekipa, kao i održavanja sastanaka visokih delegacija i pregled sportske arene "Zenica" povodom održavanja koncerata.

STANJE BEZBJEDNOSTI U PRVOJ POLOVINI 2012 GODINE

Stanje bezbjednosti na području Zeničko – dobojskog kantona u prvoj polovini 2012 godine prezentirano je kroz analizu kriminaliteta, javnog reda i mira i bezbjednosti saobraćaja. Bezbjednosnu situaciju u prvoj polovini 2012 godine u odnosu na isti period prethodne godine karakteriše smanjenje broja krivičnih djela i povećanje broja prekršaja javnog reda i mira i povećanje broja saobraćajnih nezgoda.

KRIMINALITET

Evidentirano je 1917 krivičnih djela od kojih 507 ili 26,4% po poznatom i 1410 ili 73,6% po nepoznatom počiniocu. Najviše krivičnih djela je zabilježeno na području PU I (Zenica) (925), a najmanje na području PS Doboj Jug (20) krivičnih djela. Od ukupnog broja krivičnih djela po nepoznatom počiniocu, naknadno je rasvijetljeno 726 krivičnih djela ili 51,5%. Ukupna rasvijetljenost je 1233 krivična djela ili 64,3%. Zbog postojanja osnova sumnje da su počinili krivična djela, prijavljena su 1564 lica od kojih 746 povratnika u vršenju krivičnih djela i 93 maloljetnika, i protiv njih su podneseni izvještaji Tužilaštvu.

Stanje kriminaliteta u periodu januar-juni 2012. godine

sa uporednim podacima iz prethodne godine

Period	Broj krivičnih djela	Po poznatom	Po nepoznatom	Rasvijetljeno po nepoznatom	Procenat rasvijetljeno	Ukupna rasvijetljena	Procenat ukupne rasvijetljeno	Br. prijavljenih lica	Maloljetnici	Povratnici
Jan. - juni 2011. godine	1959	516	1443	684	47,4%	1200	61,3%	1585	125	532
Jan. - juni 2012. godine	1917	507	1410	726	51,5%	1233	64,3%	1564	93	746

Pregled kriminaliteta u periodu januar - juni 2012. godine po policijskim stanicama/upravama

PODRUČJE	Broj krivičnih djela	Po poznatom	Po nepoznatom	Rasvijetljeno po nepoznatom	Procenat ukupne rasvijetljeno po nepoznatom	Ukupno rasvijetljeno KD	Procenat ukupne rasvijetljenosti
PU I (ZENICA)	925	153	770	354	46%	509	55%
PS VISOKO	149	10	139	71	51,1%	81	54,4%
PS KAKANJ	130	43	87	45	51,7%	88	67,7%
PS BREZA	43	18	25	10	40%	28	65,1%
PS ZAVIDOVIĆI	117	61	56	32	57,1%	93	79,5%
PS MAGLAJ	83	37	46	31	67,4%	68	81,9%
PU ŽEPČE	85	37	48	30	62,5%	67	78,8%
PS TEŠANJ	223	70	153	98	64,1%	168	75,3%
PS USORA	28	6	22	14	63,6%	20	71,4%
PS DOBOJ JUG	20	6	14	9	64,3%	15	75%
PS OLOVO	47	18	29	19	65,5%	37	78,7%
PS VAREŠ	31	15	16	9	56,3%	24	77,4%
SJEDIŠTE	36	31	5	4	80%	35	97,2%
UKUPNO	1917	507	1410	726	51,5%	1233	64,3%

Kako se može vidjeti iz prethodne analize, broj krivičnih djela evidentiranih u prvom polugodištu 2012. godine, u odnosu na isti period prethodne godine, je manji za 42 krivična djela ili 2,1%,

Rasvijetljenost po nepoznatom počiniocu je 51,5% i u odnosu na isti period prethodne godine je veća za 4,1 procenat. Ukupna rasvijetljenost krivičnih djela od 64,3% i veća je za 3 procenta.

Za počinjena krivična djela su Tužilaštvu prijavljena ukupno 1564 lica, od kojih 746 povratnika u vršenju krivičnih djela i 93 maloljetnika.

MALOLJETNIČKA DELIKVENCIJA

Kako se može vidjeti iz prezentiranih podataka, evidentirano je smanjenje maloljetničke delikvencije.

Evidentirana su 93 maloljetna počinioca krivičnih djela, što je za 32 počinioca ili 25,6 % manje nego u istom periodu prethodne godine. Maloljetnici su prijavljeni za slijedeća krivična djela:

- „krivotvorenje novca“ 2 počinioca
- „teška tjelesna povreda“ 1 počinilac
- „narušavanje nepovredivosti doma “ 1 počinilac
- „neovlašteno optičko snimanje“ 2 počinioca (rasvijetljeno KD iz prethodnog perioda)
- „prinuda na spolni odnošaj“ 1 počinilac
- „nasilje u porodici“ 3 počinioca
- „posjedovanje i omogućavanje uživanja opojnih droga“ 2 počinioca
- „krađa“ 21 počinilac
- „teška krađa“ 40 počinilaca
- „razbojništvo“ 11 počinilaca
- „oštećenje tuđe stvari“ 1 počinilac
- „prevara“ 1 počinilac
- „iznuda“ 1 počinilac
- „izazivanje opće opasnosti“ 1 počinilac
- „teška krivična djela protiv sigurnosti javnog prometa“ 2 počinioca
- „napad na službenu osobu u vršenju poslova sigurnosti“ 1 počinilac
- „nasilničko ponašanje“ 1 počinilac
- „ostala KD prema KZFBiH“ 1 počinilac

STRUKTURA KRIVIČNIH DJELA

U ovoj Informaciji prezentiramo tekstualno strukturu krivičnih djela po skupinama krivičnih djela prema Krivičnom zakonu BiH, skupinama krivičnih djela prema Krivičnom zakonu FBiH, te prema krivičnim djelima iz drugih posebnih zakona, prezentirana je tabelarno i tekstualno.

Prema Krivičnom zakonu BiH, evidentirana su 2 krivična djela, prema Krivičnom zakonu FBiH evidentirano je 1889 krivična djela, te prema drugim posebnim zakonima, odnosno prema Zakonu o nabavljanju, držanju i nošenju oružja i municije ZE-DO kantona, evidentirano je 26 krivičnih djela.

KRIVIČNA DJELA PROTIV ŽIVOTA I TIJELA

Iz ove skupine krivičnih djela definisanih Krivičnim zakonom FBiH, evidentirano je 79 krivičnih djela, a njihova rasvijetljenost je 82,3%.

Iz ove skupine od težih krivičnih djela počinjena su 3 krivična djela "ubistvo" (2 u istom periodu prethodne godine) od kojih je jedno ubistvo kombinovano sa samoubistvom, 5 krivičnih djela "ubistvo u pokušaju", 44 krivična djela "teška tjelesna

povreda", 24 krivična djela "laka tjelesna povreda" i 4 krivična djela "učestvovanje u tuči". Za navedena krivična djela, prijavljeno je 95 lica, od kojih 64 povratnika u vršenju ovih krivičnih djela i 1 maloljetnik. Slobode je lišeno 27 lica, a za 26 je određena mjera zadržavanja do 24 sata.

KRIVIČNA DJELA PROTIV SLOBODE I PRAVA ČOVJEKA I GRAĐANA

Iz ove skupine počinjeno je 87 krivičnih djela. Ukupna rasvijetljenost je 79,3%. Iz ove skupine, počinjeno je 1 krivično djelo „protupravno lišenje slobode“, 79 krivičnih djela „ugrožavanje sigurnosti“ i 7 krivičnih djela „narušavanje nepovredivosti doma“. Za navedena krivična djela prijavljeno je 89 lica od kojih 49 povratnika u vršenju ovih krivičnih djela i 3 maloljetnika. Slobode je lišeno 28 lica, i određena im je mjera zadržavanja do 24 sata.

KRIVIČNA DJELA PROTIV DOSTOJANSTVA LIČNOSTI I MORALA

Od krivičnih djela protiv dostojanstva ličnosti i morala, počinjeno je 10 krivičnih djela. Ukupna rasvijetljenost je 100%. Iz ove skupine počinjeno je 1 krivično djelo „silovanje“, 2 krivična djela „silovanje u pokušaju“, 1 krivično djelo „prinuda na spolni odnošaj“, 2 krivična djela „spolni odnošaj s djetetom“, 2 krivična djela „bludne radnje“, 1 krivično djelo „zadovoljenje pohote pred djetetom ili maloljetnikom“ i 1 krivično djelo „rodoskrvnuće“. Za navedena krivična djela prijavljeno je 14 lica od kojih 6 povratnika i 1 maloljetnik. Slobode je lišeno 10 lica, a za 9 lica je određena mjera zadržavanja do 24 sata.

Kriminalistička policija je posebnu pažnju posvetila problematici seksualnog zlostavljanja djece. S obzirom na starosnu dob oštećenih, vodilo se računa o strogoj diskreciji, kako bi se u javnosti zaštitio identitet žrtava seksualnog nasilja. Takođe je održano niz sastnaka sa centrima za socijalni rad i nevladinom organizacijom "Medica", radi pružanja profesionalne pomoći žrtvama, i eventualnog smještanja žrtava u "sigurnu kuću".

KRIVIČNA DJELA PROTIV BRAKA, PORODICE I MLADEŽI

Iz ove skupine krivičnih djela, počinjena su 62 krivična djela, rasvijetljenost je 98,4%. Iz ove skupine počinjena su 2 krivična djela „izvanbračna zajednica sa mlađim maloljetnikom“, 1 krivično djelo "zapuštanje ili zlostavljanje djeteta ili maloljetnika" i 59 krivičnih djela "nasilje u porodici". Za navedena krivična djela prijavljeno je 67 lica od kojih 14 povratnika i 3 maloljetnika. Slobode je lišeno 15 lica, a za 14 lica je određena mjera zadržavanja do 24 sata.

NASILJE U PORODICI

U prvom polugodištu 2012. godine, na području Kantona zabilježeno je 135 slučajeva nasilja u porodici (95 u istom periodu prethodne godine). Žrtve nasilja su u najvećem broju slučajeva supruge, roditelji i djeca. Počinioci nasilja su najčešće muževi, sinovi i očevi. Protiv počinitelaca nasilja u porodici podneseno je 59 izvještaja Tužilaštvu, prijavljena su 64 lica, od kojih 12 povratnika u vršenju ovih krivičnih djela i 3 maloljetnika, 14 lica je lišeno slobode a za 13 lica je određena mjera zadržavanja do 24 sata.

I u ovoj oblasti kriminaliteta, uspostavljena je dobra saradnja sa centrima za socijalni rad, te nevladinom organizacijom „Medica“ u cilju pružanja pomoći porodicama i žrtvama porodičnog nasilja i eventualnog smještanja žrtava u „sigurnu kuću“.

ZLOUPOTREBA OPOJNIH DROGA

Od ukupnog broja krivičnih djela protiv zdravlja ljudi (153), sva se odnose na zloupotrebu droga. Ukupna rasvijetljenost je 74,5%.

Iz ove skupine počinjeno je 41 krivično djelo "neovlaštena proizvodnja i stavljanje u promet opojnih droga". Za počinjenje ovih krivičnih djela prijavljena su 52 lica, od kojih je 37 povratnika u vršenju ovih krivičnih djela, 43 lica su lišena slobode a za 35 lica je određena mjera zadržavanja do 24 sata.

Počinjeno je i 112 krivičnih djela "posjedovanje i omogućavanje uživanja opojnih droga". Za počinjenje ovih krivičnih djela prijavljeno je 89 lica od kojih 48 povratnika u vršenju ovih krivičnih djela i 2 maloljetnika. Slobode su lišena 72 lica i za sva lica je određena mjera zadržavanja do 24 sata.

Sektor kriminalističke policije je, u okviru svojih nadležnosti, u saradnji sa policijskim stanicama, poduzimao niz aktivnosti na poboljšanju stanja u ovoj oblasti. U tu svrhu je izrađen Plan za borbu protiv zloupotrebe opojnih droga (2009. - 2013.), koji je u skladu sa Državnim akcionim planom, a koji su prihvatile sve agencije za sprovođenje zakona.

PRIVREDNI KRIMINALITET

Tokom izvještajnog perioda, na području Kantona je, u oblasti privrednog kriminaliteta, evidentirano je 47 krivičnih djela, a ukupna rasvijetljenost je 83%.

Ministarstvo je u oblasti privrednog kriminaliteta nadležnom Kantonalnom tužilaštvu ZE-DO kantona podnijelo 13 izvještaja o izvršenim krivičnim djelima i otkrivanju izvršilaca protiv 17 fizičkih i 2 pravna lica za 21 krivično djelo. Ministarstvo je takođe radilo po nalogima Tužilaštva, te je nadležnom Tužilaštvu dostavljeno 25 izvještaja o izvršenim provjerama i uzeto je 180 pismenih izjava na zapisnik, što je detaljnije opisano u dijelu Izvještaja o radu ovog Odsjeka.

Od krivičnih djela protiv privrede, definisanih Krivičnim zakonom BiH, počinjena su 2 krivična djela, rasvijetljenost je 50%. Oba krivična djela iz ove skupine, su krivična djela „krivotvorenje novca“. Za navedena krivična djela prijavljena su 4 lica, od kojih 2 maloljetnika.

Od krivičnih djela protiv privrede, poslovanja i sigurnosti platnog prometa, koja su definisana Krivičnim zakonom FBiH, počinjeno je 8 krivičnih djela. Ukupna rasvijetljenost je 100%. Počinjeno je 1 krivično djelo „nesavjesno privredno poslovanje“, 1 krivično djelo „prevara u privrednom poslovanju“, 1 krivično djelo „sklapanje štetnog ugovora“, 1 krivično djelo „neovlaštena upotreba tuđe tvrtke“, 1 krivično djelo „obmana kupaca“ i 3 krivična djela „obmana pri dobijanju kredita ili drugih pogodnosti“. Za navedena krivična djela, tužilaštvima je prijavljeno 12 lica, od kojih 1 povratnik u vršenju navedenih krivičnih djela. Slobode su lišena 2 lica i određena im je mjera zadržavanja do 24 sata.

Od krivičnih djela iz oblasti poreza, definisanih Krivičnim zakonom FBiH, u izvještajnom periodu nije bilo evidentiranih krivičnih djela.

Od krivičnih djela protiv radnih odnosa, definisanih Krivičnim zakonom FBiH, u izvještajnom periodu, takođe, nije bilo evidentiranih krivičnih djela.

Od krivičnih djela protiv pravosuđa, definisanih Krivičnim zakonom FBiH, evidentirano je 20 krivičnih djela i ukupna rasvijetljenost je 65%. Počinjena su 2 krivična djela „zločinačka organizacija“, 15 krivičnih djela „lažno prijavljivanje“, 1 krivično djelo „davanje lažnog iskaza“, 1 krivično djelo „pobuna osoba kojima je oduzeta sloboda“ i 1 krivično djelo „omogućavanje bijega osobi kojoj je oduzeta sloboda“. Za ova krivična djela je prijavljeno 16 lica, od kojih 7 povratnika. Slobode su lišena 3 lica i određena im je mjera zadržavanja do 24 sata.

Od krivičnih djela podmićivanja i krivičnih djela protiv službene i druge odgovorne dužnosti definisanih Krivičnim zakonom FBiH, počinjeno je 15 krivičnih djela, rasvijetljenost je 100%. Iz ove skupine počinjeno je 9 krivičnih djela „zloropotreba položaja ili ovlaštenja“, 2 krivična djela „pronevjera u službi“, 3 krivična djela „nesavjestan rad u službi“ i 1 krivično djelo „krivotvorenje službene isprave“. Za ova krivična djela, tužilaštvima je prijavljeno 16 lica, od kojih 1 povratnik u vršenju navedenih krivičnih djela, 1 lice je lišeno slobode i određeno mu je zadržavanje do 24 sata.

Od krivičnih djela protiv sustava elektronske obrade podataka, evidentirana su 2 krivična djela, rasvijetljenost je 100%. Evidentirano je 1 krivično djelo „računalno krivotvorenje“ i 1 krivično djelo „računalna prevara“. Za ova krivična djela su prijavljena 2 lica, od kojih je 1 lice lišeno slobode i određena mu je mjera zadržavanja do 24 sata.

KRIVIČNA DJELA PROTIV IMOVINE

Od krivičnih djela protiv imovine, počinjena su 1192 krivična djela, a ukupna rasvijetljenost je 51,8%.

Iz ove skupine, od težih krivičnih djela počinjeno je 788 krivična djela "teške krađe", zatim 3 krivična djela „razbojnička krađa“, 47 krivičnih djela "razbojništvo", 16 krivičnih djela „utaja“, 213 krivičnih djela „krađe“, 1 krivično djelo „oduzimanje tuđe pokretnine“, 66 krivičnih djela „oštećenje tuđe stvari“, zatim 25 krivičnih djela „prevara“, 8 krivičnih djela „iznuda“, 1 krivično djelo „zloropotreba povjerenja“, 2 krivična djela „prevara povjeritelja“, 16 krivičnih djela „prikriivanje“ i 6 krivičnih djela „paljevina“. Za počinjenje imovinskih krivičnih djela prijavljena su 782 lica, od kojih 75 maloljetnika i 401 povratnik u vršenju ovih krivičnih djela. Slobode je lišeno 225 lica, a za 223 je određena mjera zadržavanja do 24 sata.

Uporedni podaci o teškim krađama

Period	Broj krivičnih djela	Po poznatom	Po nepoznatom	Rasvijetlj. po nepoznatom	Procenat rasvijetlj.	Ukupna rasvijetlj.	Procenat ukupne rasvijetlj.	Br. prijavljenih lica	Maloljetnici	Povratnici
Jan. - juni 2011. godine	815	14	801	286	35,7%	300	36,8%	489	48	191
Jan. - juni 2012. godine	788	14	774	374	48,3%	388	49,2%	455	40	272

Kako se vidi iz prethodne tabele, broj teških krađa počinjenih tokom prvog polugodišta 2012. godine je manji u odnosu na isti period prethodne godine za 27 krivičnih djela ili 3,3% Rasvijetljenost po nepoznatom počiniocu je veća za 12,6 procenta, a ukupna rasvijetljenost je veća za 12,4 procenta.

KRAĐE PUTNIČKIH MOTORNIH VOZILA

U izvještajnom periodu, ukupno su ukradena 23 putnička motorna vozila, od kojih 22 automobila i 1 motocikl. Zahvaljujući sprovedenim akcijama policije, u skladu sa Akcionim planom, u posmatranom periodu je vraćeno ukupno 16 automobila, rasvijetljeno je 13 krađa automobila za koje je Tužilaštvu prijavljeno 6 lica, od kojih 2 povratnika u vršenju ovih krivičnih djela.

Krađe putničkih motornih vozila u periodu januar - juni 2012. godine u poređenju sa istim periodima iz prethodne godine

	Januar	Februar	Mart	April	Maj	Juni	Ukupno	Vraćeno (akcijom policije)
Januar - juni 2011.	3	5	4	1	1	2	16	8 (8)
Januar - juni 2012.	1	4	5	4	4	5	23	16(16)

TEŠKE KRAĐE IZ AUTOMOBILA, KUĆA I STANOVA I IZ POSLOVNIH OBJEKATA

Na području Kantona je evidentirano 107 teških krađa iz automobila (103 u istom periodu prethodne godine), sa pričinjenom materijalnom štetom od 138.395,00 KM, zatim 330 teških krađa iz kuća i stanova (356 u istom periodu prethodne godine), sa materijalnom štetom od 251.430,00 KM i 150 teških krađa iz poslovnih objekata (184 u istom periodu prethodne godine), sa ukupnom materijalnom štetom od 351.099,00 KM.

KRIVIČNA DJELA PROTIV OKOLIŠA, POLJOPRIVREDE I PRIRODNIH DOBARA

Iz ove skupine krivičnih djela, evidentirano je 39 krivičnih djela. Ukupna rasvijetljenost je 92,3%. Počinjeno je 1 krivično djelo „uništenje zasada“, 34 krivična djela „šumska krađa“, 2 krivična djela „mučenje ili ubijanje životinje“, 1 krivično djelo „protuzakoniti lov“ i 1 krivično djelo „protuzakoniti ribolov“. Za navedena krivična djela prijavljena su 52 lica od kojih 22 povratnika u vršenju navedenih krivičnih djela. Slobode su lišena 2 lica, i određena im je mjera zadržavanja do 24 sata.

U saradnji sa Kantonalnom upravom za šumarstvo, izvođene su akcije na oduzimanju nelegalno isječenih drva tako da je za prvih 6 mjeseci 2012. godine ukupno oduzeto 69,28 kubnih metara drvene mase, pri čemu je podneseno 10 izvještaja Kantonalnom tužilaštvu Zenica o otkrivanju krivičnih djela i počinilaca protiv 15 lica za počinjenje krivičnog djela „šumska krađa“ iz člana 316. KZ FBiH.

KRIVIČNA DJELA PROTIV OPĆE SIGURNOSTI LJUDI I IMOVINE

Počinjeno je 38 krivičnih djela. Ukupna rasvijetljenost je 57,9%. Počinjeno je 37 krivičnih djela "izazivanje opće opasnosti" i 1 krivično djelo „nesavjesno čuvanje pasa i drugih opasnih životinja“. Za navedena krivična djela prijavljena su 24 lica od kojih 10 povratnika i 1 maloljetnik. Slobode je lišeno 8 lica i određena im je mjera zadržavanja do 24 sata.

PODMETANJE EKSPLOZIVNIH NAPRAVA

U izvještajnom periodu, evidentirana su 4 slučaja podmetanja eksplozivnih naprava od kojih na području PU I PS Centar (2), PU Žepče (1) i na području PS Kakanj (1), te jedan slučaj aktiviranja nepoznate eksplozivne naprave na području PU Žepče. Evidentirano je i 6 anonimnih dojava o podmetanju eksplozivnih naprava na području PU I (Zenica).

Na području PS Centar su evidentirana 2 slučaja podmetanja eksplozivnih naprava, jedan slučaj bacanja eksplozivne naprave na balkon privatnog stana u Ul. Kulina Bana br.1, prilikom čega je pričinjena materijalna šteta, dok povrijeđenih lica nije bilo i drugi slučaj aktiviranja eksplozivne naprave u dvorištu

privatne kuće u ul. Saliha Skomorca br. 89, prilikom čega je pričinjena materijalna šteta a povrijeđenih lica, takođe, nije bilo. Evidentirano je i podmetanje eksplozivne naprave na području PU Žepče u mjestu Globarica, gdje je pronađena protiv-pješadijska antimagnetna mina 2 koja nije eksplodirala, kao i bacanje i aktiviranje ručne bombe u mjestu Papratnica, općina Kakanj, prilikom čega je došlo do pričinjenja materijalne štete na porodičnoj kući K.I. Evidentirano je i 1 aktiviranje nepoznate eksplozivne naprave, u mjestu Orlovik, općina Žepče, koje je aktivirano prilikom košenja trave. Tom prilikom je lakše tjelesne povrede zadobilo jedno lice. U svim slučajevima su izvršeni uviđaji, uz upoznavanje tužilaca.

Anonimne dojave su se odnosile na dvije dojave o podmetanju eksplozivnih naprava u UO „Žar“ u ul. Jevrejska, u privatnom stanu u Ul. Kulina Bana, u UO „Olimp“ u Zenici i dvije dojave u Srednjoj ekonomskoj školi u Zenici. Od strane službenika policije izvršeno je obezbjeđenje navedenih lokacija, dok su službenici KDZ MUP-a ZE-DO Kantona izvršili preglede, kojima je utvrđeno da se radi o lažnim dojavama.

KRIVIČNA DJELA PROTIV SIGURNOSTI JAVNOG PROMETA

Počinjena su 53 krivična djela, rasvijetljenost je 92,5%. Od ukupnog broja ovih krivičnih djela, počinjeno je 7 krivičnih djela „ugrožavanje javnog prometa“, 1 krivično djelo „ugrožavanje javnog prometa zbog omamljenosti“, 43 krivična djela „teška krivična djela protiv sigurnosti javnog prometa“ i 2 krivična djela „neukazivanje pomoći osobi povrijeđenoj u prometnoj nezgodi“. Za ova krivična djela je prijavljeno 47 lica od kojih 3 povratnika u vršenju navedenih krivičnih djela i 2 maloljetnika.

KRIVIČNA DJELA PROTIV JAVNOG REDA I PRAVNOG PROMETA

Počinjeno je 130 krivičnih djela, rasvijetljenost je 94,6%. Počinjena su 4 krivična djela „sprečavanje službene osobe u vršenju službene radnje“, 7 krivičnih djela „napad na službenu odobu u vršenju poslova sigurnosti“, 37 krivičnih djela „nasilničko ponašanje“, zatim 1 krivično djelo „samovlašće“, 20 krivičnih djela „nedozvoljeno držanje oružja ili eksplozivnih materija“, 2 krivična djela „zloupotreba znaka za pomoć i opasnost“, 58 krivičnih djela „krivotvorenje isprave“ i 1 krivično djelo „posebni slučajevi krivotvorenja isprave“. Za ova krivična djela je prijavljeno 170 lica, od kojih 81 povratnik u vršenju navedenih krivičnih djela i 2 maloljetnika. Slobode je lišeno 57 lica i određena im je mjera zadržavanja do 24 sata.

OSTALA KRIVIČNA DJELA

Evidentirano je i 1 krivično djelo, okarakterisano kao „ostala KD prema KZ FBiH“, koje je naknadno rasvijetljeno. Takođe je evidentirano je i 26 krivičnih djela, okarakterisanih kao „krivična djela iz drugih posebnih zakona“, i koja su

rasvijetljena 100%. Za ova krivična djela prijavljena su 33 lica, od kojih 22 povratnika, a 15 lica je lišeno slobode i određena im je mjera zadržavanja do 24 sata. Ova krivična djela se odnose na krivična djela prema Zakonu o nabavljanu, držanju i nošenju oružja i municije.

Iz skupina krivičnih djela koje nisu spomenute, nije bilo evidentiranih krivičnih djela.

KRIMINALISTIČKA TEHNIKA

Radeći na otkrivanju i rasvjetljavanju krivičnih djela i drugim aktivnostima, službenici kriminalističke tehnike su izvršili 1636 uviđaja, pri čemu je pronađeno 5796 tragova od značaja za rasvjetljavanje krivičnih djela. Izvršeno je 599 vještačenja, lice mjesta je fotografirano u 1671 slučaju i daktiloskopirana su 104 lica. Prema otiscima je identificirano 10 lica i 1 ljudski leš, kroz bazu AFIS-a je utvrđen identitet za 8 lica, i u bazu AFIS je uneseno 116 otisaka papilarnih linija.

SAMOUBISTVA

Tokom prvog polugodišta 2011. godine, na području Kantona je evidentirano 12 samoubistava (11 u istom periodu prethodne godine). Po načinu izvršenja, 9 samoubistava je izvršeno vješanjem, 2 vatrenim oružjem i 1 skokom sa visine. Po spolnoj strukturi, 9 samoubistava su izvršili muškarci i 3 žene. Samoubistava su izvršile osobe starosti od 40 do 50 godina (6), od 70 do 80 godina (3), od 50 do 60 godina (2) i od 60 do 70 godina (1) lice.

JAVNI RED I MIR

Zabilježena su 1692 slučaja narušavanja javnog reda i mira u kojima je učestvovalo 1995 lica. Najviše prekršaja je evidentirano na području PUI (Zenica) (733), a najmanje na području PS Usora (10). Javni red i mir je u 560 slučajeva narušen tužom odnosno fizičkim napadom na drugoga, u 334 slučaja naročito drskim ponašanjem, u 195 slučajeva odbijanjem naređenja i omalovažavanjem policijskih službenika, u 143 slučaja svađom, vikom i nepristojnim ponašanjem, dok se u 460 slučajeva radilo o ostalim prekršajima.

Od ukupnog broja prekršaja, 648 je počinjeno od strane povratnika u vršenju prekršaja, 53 od strane maloljetnika, 1 od strane stranih državljana i 990 prekršaja od strane ostalih lica. Prekršaji su se u 1166 slučajeva desili na ulici i u 196 slučajeva u ugostiteljskim objektima. Posljedice prekršaja javnog reda i mira su 240 povrijeđenih lica.

Stanje javnog reda u periodu januar-juni 2012. godine sa uporednim podacima iz prethodne godine

Period	Broj prekršaja	Broj tužilaštva	Tužbe	Naročito drsko ponašanje	Omalovažavanje pol. službenika	Ugostiteljski objekti	Ulica	Posljedice
								Povrijeđeni
Jan. -juni 2011. godine	1636	1795	542	325	180	220	1021	263
Jan. -juni 2012. godine	1692	1995	560	334	195	196	1166	240

Kako se može vidjeti iz prethodnih podataka, nastavljen je trend pojačanih aktivnosti policije na terenu u skladu sa Akcionim planom, te je evidentiran veći broj prekršaja javnog reda i mira u odnosu na isti period prethodne godine za 3,4%, ali je za počinjene prekršaje sankcionirano i 11,1% lica više, nego u istom periodu prethodne godine.

Broj povrijeđenih lica prilikom narušavanja javnog reda i mira je manji za 8,7%.

Stanje javnog reda i mira u prvom polugodištu 2012. godine po policijskim stanicama/upravama

PU/PS	Broj prekršaja JRM	Broj učinilaca	Svađa, vika, nepriстойno ponašanje	Tuče i fizički napadi	Narodito drsko ponašanje	Odbijanje naredjenja i omalovažavanje pol.s l	Ostali prekršaji	Ugostiteljski objekti	Ulice, trgov i, putevi i drugi otvoreni prostori	Sportski stadioni i dvorane	Ostala mjesta
PU I (ZENICA)	733	733	43	233	136	111	210	38	587	13	95
PS VISOKO	106	138	17	54	26	3	6	5	91	1	9
PS KAKANJ	106	225	8	44	21	11	22	14	88	-	4
PS BREZA	44	58	3	20	12	4	5	10	31	1	2
PS ZAVIDOVIĆI	130	130	15	56	28	5	26	17	76	3	34
PS MAGLAJ	73	93	9	5	11	8	40	7	61	-	5
PU ŽEPČE	169	190	23	51	39	25	31	24	68	-	77
PS TEŠANJ	225	279	14	63	40	19	89	53	124	2	46
PS USORA	10	12	1	6	-	-	3	3	3	-	4
PS DOBOJ JUG	23	32	-	8	4	2	9	5	10	-	8
PS OLOVO	39	62	-	6	13	3	17	9	7	-	23
PS VAREŠ	34	43	10	14	4	4	2	11	20	-	3
UKUPNO	1692	1995	143	560	334	195	460	196	1166	20	310

OPERATIVNE AKTIVNOSTI POLICIJE

Zabilježena su 1003 (1034 u istom periodu prethodne godine) slučaja privođenja lica i tom prilikom je privedeno 1025 lica (1093 u uporednom periodu). Sprovedeno je 135 lica, zadržano je 911 i provjeren identitet za 7768 lica.

Izvršeno je 2346 uviđaja, 109 pretresa stanova, 3 pretresa ugostiteljskih objekata, 11 pretresa drugih prostorija, te 1471 pregled lica i 629 pregleda motornih vozila.

Oduzeto je 1316 predmeta i uhvaćeno 7 lica po potjernici.

Službenici policije su samostalno rasvjetlili 163 krivična djela, a zajedno sa službenicima kriminalističke policije 705 krivičnih djela. Sačinjene su 1723 službene zabilješke koje sadrže sumnje za postojanje krivičnih djela. Izvršene su 1364 provjere na zahtjev tužilaštva i sudova i 1233 provjere na zahtjev drugih organa.

Pružene su 324 asistencije, od kojih 46 po zahtjevu državnih organa, 197 po zahtjevu organa i organizacija javnih ovlaštenja i 81 po ostalim zahtjevima. Izvršena su 652 vanredna i 4155 redovnih osiguranja, te organizovano obezbjeđenje 884 javna skupa (716 u istom periodu prethodne godine).

PROTESTNI SKUPOVI, ŠTRAJKOVI I BLOKADE

Na području Kantona, evidentirano je 26 protestnih skupova, od kojih 25 na području PS Centar i 1 na području PS Tešanj. Na području PS Centar, protesti su u 12 slučajeva organizovani od strane oko 20 radnika UTTD 21. Decembar DOO Zenica, u 11 slučajeva od strane zaposlenika „Doma penzionera“ uz učešće od

10 do 20 učesnika, u 2 slučaja od strane pripadnika Udruženja TAXI Zenica. Navedeni protesti su organizovani ispred zgrade Vlade ZDK i protekli su bez narušavanja JRM. Takođe, zabilježen je i jedan protesni skup u mjestu Piljužići, općina Tešanj, organizovan od strane 100 članova džemata Piljužići i isti je protekao uz narušavanje JRM i za posljedice je imao lakše tjelesno povređivanje jednog lica.

BEZBJEDNOST SAOBRAĆAJA

Evidentirana je 2031 saobraćajna nezgoda, povrijeđeno je 305 lica od kojih 244 lakše i 61 teže. Smrtno je stradalo 14 lica, na područjima PU Žepče (5), PU I Zenica (3), PS Kakanj (2), te po 1 lice na područjima PS Visoko, PS Tešanj, PS Usora i PS Olovo.

Najviše saobraćajnih nezgoda se desilo na području PU I (Zenica) (923) a najmanje na području PS Vareš (24) saobraćajne nezgode.

Stanje bezbjednosti saobraćaja u periodu januar-juni 2012. godine sa uporednim podacima iz prethodne godine

Period	Broj saobraćajnih nezgoda	Broj lakše povrijeđeni h lica	Broj teže povrijeđeni h lica	Broj smrtno stradalih lica
Jan. - juni 2011. godine	1870	304	82	12
Jan. - juni 2012. godine	2031	244	61	14

Kako se vidi iz prethodne tabele, broj saobraćajnih nezgoda je, u odnosu na isti period prethodne godine veći za 8,6%, broj teže povrijeđenih lica je manji 25,6%, smrtno je stradalo 14 lica, što je za 2 lica više nego u prethodnoj godini, dok je broj lakše povrijeđenih manji za 19,7%. Uzroci većine saobraćajnih nezgoda su bili nepoštivanje saobraćajnih propisa, odnosno neprilagođena brzina uslovima puta, klizavi putevi i vožnja pod dejstvom alkohola.

Stanje u oblasti bezbjednosti saobraćaja u prvom polugodištu 2012. godine, po policijskim stanicama/upravama

PODRUČJE	Broj saobraćajnih nezgoda	Lakše povrijeđeni	Teže povrijeđeni	Smrtno stradali
PU I (ZENICA)	923	62	16	3
PS VISOKO	237	49	8	1
PS KAKANJ	219	12	8	2
PS BREZA	59	9	1	-
PS ZAVIDOVIĆI	81	14	-	-
PS MAGLAJ	79	10	1	-

PS ŽEPČE	125	42	9	5
PS TEŠANJ	177	26	14	1
PS USORA	34	3	1	1
PS DOBOJ JUG	29	8	1	-
PS OLOVO	44	2	2	1
PS VAREŠ	24	7	-	-
UKUPNO	2031	244	61	14

Saobraćajne nezgode i nastradala lica prema kategoriji puta

		BROJ NEZGODA					POS LJEDICE			
		Sa pog. licima	Sa povr. licima		Sa mat. štetom	Ukupno (1+...+4)	Poginulo	Povr. lica		Ukupno (6+7+8)
			Teže	Lakše				Teže	Lakše	
		1	2	3	4	5	6	7	8	9
Kategorija puta	Magistralni put	8	15	41	259	323	8	20	63	91
	Regionalni put	1	3	30	167	201	1	3	43	47
	Lokalni put	2	14	36	272	324	2	14	48	64
	Ulice u naselju	1	13	69	824	1007	1	14	71	86
	Ostalo	2	8	12	154	176	2	10	19	31
UKUPNO		14	53	188	1776	2031	14	61	244	319

Kako se vidi iz prethodne tabele, najviše saobraćajnih nezgoda se desilo na ulicama u naseljima (1007) (788 u prethodnoj godini), zatim na lokalnim putevima (324) (318 u istom periodu prethodne godine), na magistralnim putevima (323) (338 u prethodnoj godini) i na regionalnim putevima (201) (235 u prethodnoj godini), te na ostalim mjestima (176) (191 u prethodnoj godini) saobraćajna nezgoda. Smrtno je stradalo 14 lica. Na magistralnim putevima je smrtno stradalo 8 lica (5 u istom periodu prethodne godine), na regionalnim putevima 1 lice (3 u istom periodu prethodne godine), na lokalnim putevima 2 lica (3 u istom periodu prethodne godine), na ulicama u naseljima 1 lice (0 u prethodnoj godini), i na ostalim mjestima smrtno su stradala 2 lica (1 u prethodnoj godini). Kako se može vidjeti iz prethodne analize, najviše je povećan broj saobraćajnih nezgoda u ulicama i naseljima (za 27,8%), i to su uglavnom bile nezgode sa materijalnom štetom, dok je broj saobraćajnih nezgoda na magistralnim putevima smanjen za 4,5%. Najviše smrtno stradalih lica je bilo na magistralnim putevima (8), dok je u ulicama u naseljima smrtno stradalo 1 lice. Od ukupnog broja nastradalih lica, vozača je (149), putnika u vozilima je (104) i pješaka (66). Smrtno je stradalo 8 vozača, 4 putnika u vozilima i 2 pješaka.

AKTIVNOSTI POLICIJE U OBLASTI BEZBJEDNOSTI SAOBRAĆAJA

Ukupno je kontrolisano vozila, odnosno, vozača 73780 i 11552 lica u vozilima. Ukupno su sankcionirana 38503 vozača za počinjena krivična djela i prekršaje u saobraćaju. Policijski službenici su zatekli i sankcionirali 1953 vozača koji su upravljali vozilom pod dejstvom alkohola, 641 vozača koji su vozili bez položenog vozačkog ispita, 193 vozila su isključena iz saobraćaja zbog tehničke neispravnosti i 787 vozača su isključena iz saobraćaja zbog vožnje vozila bez važeće registracije.

U saobraćaju je zatečeno i 20 vozača koji su upravljali motornim vozilima a imaju već izrečenu zaštitnu mjeru zabrane upravljanja motornim vozilima, 1483 vozača su zatečena i sankcionirana zbog nekorištenja sigurnosnog pojasa i 225 vozača je sankcionirano radi korištenja mobitela tokom vožnje.

Podaci o aktivnostima policije u oblasti bezbjednosti saobraćaja tokom prvih šest mjeseci 2012. godine, u poređenju sa istim periodom dvije prethodne godine

Red. br.	AKTIVNOSTI POLICIJE U OBLASTI BEZBJEDNOSTI SAOBRAĆAJA	Januar - juni 2011. godine	Januar - juni 2012. godine
1.	Kontrolisano vozila/vozača	89988	73780
2.	Kontrolisano lica u vozilima	34020	11552
3.	Podneseno krivičnih prijava zbog izvršenih KD ugrožavanja bezbjednosti saobraćaja	49	53
4.	Podneseno zahtjeva za pokretanje prekršajnog postupka	418	312
5.	Broj izdatih prekršajnih naloga	40397	38138
6.	Isključeno vozila iz saobraćaja zbog tehničke neispravnosti	190	193
7.	Zatečeno vozača pod dejstvom alkohola	1792	1953
8.	Zatečeno vozača bez položenog vozačkog ispita	538	641
9.	Zatečeno vozača pod izrečenom zaštitnom mjerom zabrane upravljanja motornim vozilima	90	20
10.	Zatečeno vozača bez korištenja sigurnosnog pojasa	1461	1483
11.	Zatečeno vozača koji koriste mobilne telefone tokom vožnje	278	225
12.	Otkriveno vozila bez važeće registracije	742	787

U izvještajnom periodu fiksni radar Misurići, općina Maglaj, fiksni radari Šije, općina Tešanj, fiksni radar Goliješnica, općina Žepče i fiksni radar Donja Vraca, općina Zenica su evidentirali ukupno 8841 prekršaj koje su počinili vozači koji su upravljali vozilima sa BiH registarskim tablama i za novčanu naplatu ukupan iznos je 312.360,00 KM i 13250 prekršaja koje su počinili vozači koji su upravljali vozilima stranih registarskih oznaka, i ukupna moguća naplativost ovih prekršaja je 472.100,00 KM.

PREGLED PODATAKA O ORUŽJU

U izvještajnom periodu je oduzeto slijedeće nelegalno posjedovano oružje: 1 teško oružje (puškomitraljez), 6 automatskih pušaka, 3 poluautomatske puške, 5 lovačkih i 11 pušaka ostalih vrsta, 27 pištolja, 5 automatskih pištolja, 2 ručne bombe, 2 eksplozivne naprave, 78 komada hladnog oružja, 6 boksera, 55 komada drugih predmeta podobnih za nanošenje tjelesnih povreda, 0,2 kg eksploziva i 672 komada municije.

Takođe je dobrovoljno predato slijedeće oružje: 3 automatske puške, 2 puške drugih kalibara, 13 tromblonskih mina, 13 ručnih bombi, 144 komada municije, 35 komada municije za PAT i PAM, 235 komada municije 7,9 mm, 3 upaljača, 100 gr klasičnog eksploziva i 2 okvira za AP.

Tokom prvog polugodišta 2012. godine, izdato je 571 odobrenje za nabavljanje oružja za fizička lica, izdato je 440 oružnih listova, te izvršene 794 zamjene oružnih listova za fizička lica, izdato 5 odobrenja za nabavljanje i 4 odobrenja za držanje oružja za pravna lica, te 8 odobrenja za držanje trofejnog oružja. Oduzeto je 48 komada oružja u upravnom postupku i izdato 177 odobrenja za nabavku municije.

POŽARI I EKSPLOZIJE

U izvještajnom periodu je evidentirano 899 požara od kojih 295 šumskih, 95 požara na stambenim objektima, 22 na saobraćajnim sredstvima, 20 požara na pomoćnim objektima, 13 požara u poslovnim prostorima, 6 u proizvodnim objektima, 6 požara sijena, te 442 požara na ostalim mjestima. Požari su u 177 slučajeva izazvani nehatom, u 147 slučajeva podmetanjem, u 50 slučajeva tehničkim nedostatkom, dok je u 525 slučajeva uzrok požara nije utvrđen. Posljedica požara je neutvrđena materijalna šteta.

U izvještajnom periodu, tehničkih eksplozija nije bilo.

KONTROLA ZAKONITOSTI RADA POLICIJSKIH SLUŽBENIKA

U izvještajnom periodu ukupno je zaprimljeno 80 predstavki na rad policijskih službenika, od kojih je u potpunosti okončano 69 predstavki, dok je 11 predstavki u fazi rada u Jedinici za profesionalne standarde ili u fazi odlučivanja kod Ureda za pritužbe javnosti.

Od ukupnog broja zaprimljenih predstavki, od strane građana je podneseno 49 predstavki, 16 predstavki je podneseno od strane rukovodilaca organizacionih jedinica iz sastava ovog Ministarstva, 13 predstavki je podneseno od strane anonimnih podnosilaca i 2 predstavke su dostavljene od strane policijskih službenika protiv rukovodilaca.

Od ukupnog broja podnesenih predstavki, 62 predstavke su podnesene protiv 94 policijska službenika i 2 namještenika, 17 predstavki se odnosi na rad organizacionih jedinica iz sastava MUP-a ZE-DO kantona i 1 predstavka se odnosi na rad Odsjeka za administraciju.

Riješeno je ukupno 69 predstavki, za 30 predstavki je utvrđeno da su neosnovane, 6 predstavki je ocijenjeno bez dovoljno dokaza, za 7 predstavki je utvrđeno da Odsjek za unutrašnju kontrolu i Ured za pritužbe javnosti nisu nadležni za postupanje ili da se iste ne mogu smatrati žalbom, 6 predstavki je neformalno razriješeno, 8 predstavki je ocijenjeno oslobađajućim, dok je 12 predstavki ocijenjeno osnovanim, a istima je obuhvaćeno 15 policijskih službenika i 1 namještenik.

Nakon podnošenja konačnog izvještaja i odobrenja Ureda za pritužbe javnosti, za 3 predstavke je utvrđeno da su 3 policijska službenika i 1 namještenik počinili teže povrede službene dužnosti iz Zakona o policijskim službenicima ZE-DO kantona, odnosno Zakona o državnoj službi u FBiH, za 9 predstavki kojima je obuhvaćeno 12 policijskih službenika, sprovedenim internim postupkom, je utvrđeno da se radi o lakšim povredama službene dužnosti, gdje je protiv istih izrečena disciplinska sankcija "Pismena opomena" ili "novčana kazna od 15 % od jedne mjesečne plate" policijskog službenika.

Sa svim podnosiocima predstavki obavljani su informativni razgovori na okolnosti navoda, te kontinuirano prikupljani podaci, informacije i dokazi u cilju potpunog dokumentovanja podnešenih predstavki, a u slučajevima gdje je otvoren interni postupak, podnosilac predstavke je obavještavan o toku napretka istrage.

Također, za sve predstavke koje su ocijenjene neosnovanim ili bez dovoljno dokaza, podnosioci predstavki su, po okončanju istraga, pismenim putem obavještavani.

U izvještajnom periodu izvršeno je ukupno 26 inspekcija i revizija, a od toga 14 inspekcija i 12 revizija predmeta po raznim osnovama.

Za naznačeni vremenski period obavljeno je 8 nenajavljenih inspekcija saobraćajnih patrola, 3 inspekcije po akciji "Lijevak", 1 inspekcija dežurne službe, 1 inspekcija službenih evidencija i 1 inspekcija referata oružja.

Takođe je izvršeno 5 revizija saobraćajnih nezgoda, 4 revizije prekršajnih naloga i alkotestiranih lica, 1 revizija korištenja bolovanja, 1 revizija po akciji "Treptači" i 1 revizija video materijala snimljenog korištenjem uređaja "Provida 2000" i patrolnih naloga.

UPOTREBA SREDSTAVA SILE

Odsjek za revizije i inspekcije je zaprimio 12 početnih izvještaja o upotrebi sile, i nakon sprovedenih postupaka utvrđivanja zakonitosti upotrebe, utvrđeno je da su sredstva sile upotrijebljena zakonito i pravilno, a što je u konačnosti rezultiralo i pravdanjem od strane Policijskog komesara.

Takođe je evidentirano i 508 upotreba sredstava za vezivanje, koje su opravdane od strane rukovodilaca organizacionih jedinica.

NAPADI NA POLICIJSKE SLUŽBENIKE

Tokom prvog polugodišta 2012. godine, evidentirano je 8 napada na policijske službenike (5 u istom periodu prethodne godine), i to 8 pojedinačnih napada. Napadi su se desili prilikom održavanja ili uspostavljanja narušenog javnog reda i mira (7) i prilikom poduzimanja ostalih radnji iz nadležnosti policije (1). U svim napadima je korištena fizička snaga. Napadi su se desili od strane 7 punoljetnih i 1 maloljetnog lica. Posljedice napada su 7 lakše povrijeđenih policijskih službenika. Protiv napadača je podneseno 5 izvještaja Tužilaštvu

ZAKLJUČAK SA PRIJEDLOGOM MJERA

Zaključak

Bezbjednosna situaciju tokom prvog polugodišta 2012. godine, je prezentirana kroz pregled parametara kriminaliteta, javnog reda i mira, bezbjednosti saobraćaja i drugih parametara u odnosu na isti period prethodne godine.

U oblasti kriminaliteta, broj krivičnih djela evidentiranih u prvom polugodištu 2012. godine, u odnosu na isti period prethodne godine, je manji za 42 krivična djela ili 2,1%, rasvijetljenost po nepoznatom počiniocu je 51,5% i u odnosu na isti period prethodne godine je veća za 4,1 procenat. Ukupna rasvijetljenost krivičnih djela od 64,3% i veća je za 3 procenta. Za počinjena krivična djela su Tužilaštvu prijavljena ukupno 1564 lica, od kojih 746 povratnika u vršenju krivičnih djela. Evidentirana su i 93 maloljetna počinioca krivičnih djela, što je za 32 počinioca ili 25,6 % manje nego u istom periodu prethodne godine. Broj teških krađa počinjenih tokom prvog polugodišta 2012. godine je manji u odnosu na isti period prethodne godine za 27 krivičnih djela ili 3,3%. Rasvijetljenost po nepoznatom počiniocu je veća za 12,6 procenta, a ukupna rasvijetljenost je veća za 12,4 procenta. Od teških krivičnih djela, evidentirana su 2 krivična djela „Ubistva“, kao i u uporednom periodu prethodne godine.

U oblasti javnog reda i mira, nastavljen je trend pojačanih aktivnosti policije na terenu u skladu sa Akcionim planom, te je evidentiran veći broj prekršaja javnog reda i mira u odnosu na isti period prethodne godine za 3,4%, ali je za počinjene prekršaje sankcionirano i 11,1% lica više, nego u istom periodu prethodne godine. Broj povrijeđenih lica prilikom narušavanja javnog reda i mira je manji za 8,7%. Narušavanja javnog reda i mira u većem obimu nije bilo.

U oblasti bezbjednosti saobraćaja, broj saobraćajnih nezgoda je, u odnosu na isti period prethodne godine veći za 8,6%, broj teže povrijeđenih lica je manji 25,6%, smrtno je stradalo 14 lica, što je za 2 lica više nego u prethodnoj godini, dok je broj lakše povrijeđenih manji za 19,7%. Najviše je povećan broj saobraćajnih nezgoda u ulicama i naseljima (za 27,8%), i to su uglavnom bile nezgode sa materijalnom štetom, dok je broj saobraćajnih nezgoda na magistralnim putevima smanjen za 4,5%. Najviše smrtno stradalih lica je bilo na magistralnim putevima (8), dok je u ulicama u naseljima smrtno stradalo 1 lice. S obzirom da se na području magistralnog puta M 17 izvode obimni radovi, potrebno je stalno prisustvo većeg broja policijskih službenika koji su angažovani na kontroli i regulaciji saobraćaja, kao i obezbjeđenju i zaštiti opreme i sredstava izvođača radova.

Na osnovu prezentirane analize i komparacije sa uporednim periodom, i činjenice da tokom izvještajnog perioda nije bilo događaja koji bi bitnije ugrozili osjećaj sigurnosti građana, može se zaključiti da je bezbjednosna situacija tokom prvog polugodišta 2012. godine bila zadovoljavajuća.

Prijedlog mjera

Ministarstvo će i ubuduće postupati u skladu sa Akcionim planom mjera i radnji Ministarstva za 2012. godinu, kao i u skladu sa Akcionim planom za strateško planiranje. Takođe će se raditi na intenzivnijoj kontroli i nadzoru izvršavanja svih poslova i zadataka iz nadležnosti policije. Ministarstvo će planirati i poduzimati aktivnosti u oblasti kriminaliteta, javnog reda i mira i bezbjednosti saobraćaja, te će poduzimati slijedeće:

MJERE U OBLASTI KRIMINALITETA

- Postupati u skladu sa procjenom stanja bezbjednosti i u skladu sa Akcionim planom mjera i radnji Ministarstva za 2012. godinu, kojim su planirane mjere i radnje koje će se poduzimati po najtežim krivičnim djelima, prije svega po krivičnim djelima ubistva, razbojništva, teških krađa (automobila, teških krađa iz kuća i stanova, poslovnih objekata...) iznude, ucjene, navođenja na prostituciju, nasilja u porodici, neovleštene proizvodnje i stavljanja u promet opojnih droga, posjedovanja i omogućavanja uživanja opojnih droga, izazivanje opće opasnosti, itd.
- U okviru Strategije razvoja Zeničko-dobojskog kantona, Vlada Kantona je sačinila Akcioni plan za strateško planiranje, u okviru kojeg je MUP ZE-DO kantona, u saradnji sa drugim odgovornim institucijama, sačinio Plan za borbu protiv organiziranog kriminala i korupcije za period 2011. - 2013. godine.
- Sprovediće se pojačane aktivnosti vezane za otkrivanje počinitelaca teških krivičnih djela koja ugrožavaju osjećaj sigurnosti građana.
- Nastaviće se aktivnosti po predmetima vezanim za privredni kriminalitet, prije svega po pitanju zloupotreba oko privatizacije poduzeća, te zloupotreba i nepravilnosti prilikom odobravanja i podizanja kredita.
- Nastaviće se akcija "Šuma", u saradnji sa Kantonalnom upravom za šumarstvo, na sprečavanju bespravne sječe šume, kao i aktivnosti na sprečavanju krađa stoke.
- Nastaviti aktivnosti po zavedenoj akciji "Lijevak", u svrhu otkrivanja predmeta iz krivičnih djela, predmeta pogodnih za počinjenje krivičnih djela, nezakonito posjedovanog oružja i eksplozivnih materija, droga, itd.
- Takođe će se nastaviti sprovođenje aktivnosti po akcijama „Eko“ i „Lovac“.
- Takođe će se nastaviti aktivnosti na realizaciji mjera iz programa prevencije maloljetničke delikvencije na području ZE-DO kantona.
- Sprovođenje se aktivnosti vezane za realizaciju dopuna planova rada za rasvjetljavanje svih neriješenih ubistava iz proteklih godina.
- Nastaviti saradnju sa svim agencijama za sprovođenje zakona (Državna agencija za istrage i zaštitu - SIPA, FMUP, MUP-ovi drugih kantona i RS, itd.), Tužilaštvom BiH, Federalnim i Kantonalnim tužilaštvom, Kazneno popravni zavod Zenica, Ministarstvom pravde, zatim

Kantonalnom upravom za inspekcijske poslove, Ministarstvom zdravstva, itd.

MJERE U OBLASTI JAVNOG REDA I MIRA

- Ministarstvo će nastaviti aktivnosti na obezbjeđenju svih javnih skupova na području Kantona (sportskog, kulturnog, vjerskog, ili nekog drugog karaktera).
- Takođe će se pojačati pozorničko - patrolna aktivnost u svrhu otkrivanja i sprečavanja eventualnih terorističkih aktivnosti.
- Ministarstvo će poduzimati mjere prema licima sklonim narušavanju javnog reda i mira, kao i pojačati aktivnosti nadzora nad licima koja se pojavljuju kao povratnici u činjenju prekršaja JRM-a, sa elementima nasilja.
- Saradivati sa Agencijama za zaštitu ljudi i imovine, u okviru zakonskih nadležnosti i ovlaštenja, radi analiziranja stanja bezbjednosti i razmjene saznanja.
- Nastaviće se aktivnosti na pružanju asistencija inspekcijkim organima, na kontroli rada ugostiteljskih objekata, posebno u pogledu poštivanja općinskih odluka o JRM (dužina radnog vremena, puštanje glasne muzike, itd.).
- Posebna pažnja će se obratiti na kretanje maloljetnih lica u noćnim satima bez pratnje roditelja ili staratelja.

MJERE U OBLASTI BEZBJEDNOSTI SAOBRAĆAJA

- U skladu sa stručno-analitičkom procjenom stanja, na osnovu broja saobraćajnih nezgoda i posljedica koje su nastupile (poginuli, povrijeđeni, šteta), a u okviru Akcionog plana „Polazne osnovne strategije sigurnosti drumskog saobraćaja 2008-2013“, Ministarstvo će obezbijediti intenzivniju kontrolu na svim kategorijama puteva i ostvariti potpuniju kontrolu pojedinih kategorija učesnika u saobraćaju, te će se posvetiti veća pažnja bezbjednosti pješaka i podizanju njihove kulture ponašanja u saobraćaju.
- Takođe će se pojačati rad i zavoditi akcije sa ciljem poduzimanja represivnih mjera prema vozačima, počiniocima prekršaja koji su najčešće uzrok saobraćajnih nezgoda (brzina, alkohol, tehnička neispravnost, odstojanje i sl.).
- Nastaviti rad sa specijalnim vozilom "Provida" vezano za brzu vožnju i preticanje na mjestima gdje je to Zakonom zabranjeno.
- Ministarstvo će posvetiti još veću pažnju kontroli i praćenju prevoza opasnih materija i poduzimati potrebne mjere u svim slučajevima kada se utvrde određeni propusti.
- Povećati kontrolu nošenja zaštitne opreme motociklista.
- Poduzimati mjere i aktivnosti na kontroli mirujućeg saobraćaja.

- Obim kontrole saobraćaja će se stalno usklađivati sa vrstom i značajem puta, stanjem bezbjednosti na pojedinim putnim dionicama, učestalošću i strukturom prekršaja, kao i vremenskim uslovima.
- Ministarstvo će poduzimati mjere na što dosljednijoj realizaciji posebnih programa o osposobljavanju policijskih službenika, njihovom stručnom usavršavanju, kao i programu modernizacije i opremanja saobraćajnih patrola radarskim sistemima, alkometrima, kao i video i komunikacijskom opremom za dokumentovanje događaja, odnosno prekršaja.
- Vršiti će se praćenje i analiziranje efikasnosti kaznene politike i uticaj izrečenih sankcija na unapređenje bezbjednosti saobraćaja.
- Pratiti stanje infrastrukture saobraćajnica, te u skladu s tim vršiti kontrole i regulaciju saobraćaja, posebno na dionicama puteva koji su u izgradnji ili koji se saniraju.

Broj: 08-02/2-04-1-_____/12

M I

N I S T A R

Dana: 25. 07. 2012. godine.

Rifat Delić